

## Нернь туургсн генерал хальмгин багъчуд дунд

Октябрин 29-д, Элст балгъсна селәнә эдл-ахун механизацин училищин залд, граждандск дәәнә гүдүднъ, Хальмгин газрт цагъачудла ноолддж йовсн партизанск отрядин командир, ода отставкад бәәх генерал-майор Василий Иванович Книга, хальмгин багъчудла харгъв.

Зүсн-зуул зертә-зевтә цагъачудин церглә, граждандск дәәнд сүктә, күрзтә, биилтә, ноолддж, отрядарн сөбгъяр тедниг дәврдж, Киста, Новоселовка гидг селәдт бәәсн хортна гарнизонсиг хамх цокдж, хотхол, хувц-хунр, зер-зев буладж авад отряд тетгсән генерал Книга багъчудт келдж өгв.

Дакад болхла Ростов Балгъсна туурмд цагъачуд 200 большевикиг хадж, дүүджлдж цааджлхар газа гаргъад зогсагъад, белдджәсиг отрядарн довтлдж ирәд, сулдхсан болн туурсн Труновин отрядин 3000 куунә әминь харссан генерал келдж өгсид багъчуд ик ханлт өргв.

**БЕМБИН Тимофей.**